

## ԲԱՌԻՍԱՍՏԻ ՓՈՓՈԽՈՒԹՅՈՒՆԸ ՔԵՐԱԿԱՆԱԿԱՆ ԻՄԱՍՏԱՓՈԽՈՒԹՅԱՆ ԳՈՐԾՈՆ

Լեզվի քերականությունն ու բառային կազմը սերտորեն կապված են միմյանց հետ, նրանց զարգացման օրենքները պայմանավորված են միմյանցով և լրացնում են իրար: Դրանով հանդերձ նրանցից յուրաքանչյուրն ունի իր դրսևորումներն ու դերը լեզվի ընդհանուր համակարգի մեջ:

Լեզվի բառային կազմը գտնվում է անընդհատ փոփոխման ու համալրման պրոցեսի մեջ. այն անմիջականորեն կապված է մարդու գործունեության հետ և նոր բառերի ու հասկացությունների միջոցով արտացոլում է բոլոր այն տեղաշարժերը, որոնք կատարվում են հասարակության տնտեսական, քաղաքական և մշակութային կյանքում: Լեզվի բառային կազմի մեջ կատարված այդ փոփոխություններն արտացոլվում են հիմնական բառաֆոնդի մեջ, որը նույնպես համալրվում և հարստանում է նոր տարրերով: Ինչպես բառային կազմը, նույնպես և հիմնական բառաֆոնդը պատմական կատեգորիաներ են և լեզուն կրող ժողովրդի զարգացմանը զուգընթաց համալրվում և հարստանում են: Նրանք ժողովրդի զարգացման տարբեր շրջաններում ունեն նոր վիճակներ, որոնք միմյանց չբացասելով հանդերձ տարբերվում են իրարից իրենց ծավալով և բառեր կազմելու հնարավորություններով, հետևաբար նաև զարգացման նոր օրենքներով:

Գրաբարի բառային կազմը, մեզ ավանդված գրավոր աղբյուրների տվյալներով, ընդգրկում է ավելի քան 60 հազար բառ (սա, ըստ էության, գրավոր լեզվի գրաբարի բառապաշարն է, որից դուրս է մնացել բառերի մի զգալի քանակություն, որ գործածական է եղել բանավոր խոսքի մեջ):

Գրաբարի բառերի մեծ մասն աչքի է ընկել քերականական տարարժեքությամբ, ինչը դրսևորվել է թե բառերի խոսքիմասային պատկանելության, թե բայերի կրկնասեռության մեջ:

Օրինակ «աղբատ», «դավաճան», «փայլ», «ագարակ», «շփոթ» և այլ բառեր համատեղել են գոյականի և ածականի, «աիազին», «կիսաբաց», «թյուր», «անդրդվելի» և այլ բառեր ածականի և մակբայի, «կողմ», «դուրս», «մեջ» բառերը գոյականի և կապի, «մերթ», «ապա» բառերը մակբայի և շաղկապի և այլն: Բազմաթիվ բայեր քերականորեն եռարժեք, անգամ

քառարժեք են գրաբարում, ինչպես «սխալ», «սուտ», «աջ» (գոյ.ՈւածՈւնկ.Ո), «մերկ» (գոյ.Ուած.Ունկ.Ունխդ.) և այլն:

Բայերի տարարժեքությունը դրսևորվել է կրկնասեռության («աղոթել», «բողոքել», «բռնակալել», «երդվել», «խորհրդակցել», «ճապաղել», «դողանցել» և այլն), ինչպես նաև սեռային զուգահեռության մեջ («աղմկել», «ապալինել», «բանդագուշել», «զգվել», «սպրդել», «ճեպել») և այլն:

Եիշտ է, ժամանակակից հայոց լեզվի բառապաշարում էլ կան քերականական տարարժեքությունը ունեցող բառեր, բայց գրաբարի համեմատությամբ դրանց թիվը շատ փոքր է: Այս հանգամանքը վկայում է, որ շատ բառեր հայերենի պատմական զարգացման ընթացքում անցել են քերականական մեմարժեքության: Այդ անցումը, ըստ համապատասխան փաստական նյութի ուսումնասիրության, պայմանավորվել է նախ և առաջ բառիմաստի կրած փոփոխություններով: Ինչպես գիտենք, բառիմաստը գտնվում է պատմականորեն տեղի ունեցող փոփոխությունների գործընթացում, ունի իր պատմական զարգացումն ու դրա օրինաչափությունները: Բառիմաստի փոփոխության տեսակներից է բառիմաստի նեղացումը, որը տեղի է ունենում հասկացության ծավալի փոքրացումով բառի գործածության ոլորտի նեղացման և մասնավորման հետ: Սա էլ, ինչպես նշեցինք, պայմանավորված է բառապաշարի իմաստաբանական զարգացմամբ, որը ոչ միայն բառերի նորանոր իմաստների ստացումն է, այլև որոշ իմաստների հնացումը: Բնական է եթե հնացող և ժամանակի հետ գործածությունից դուրս եկող իմաստը պայմանավորում էր քերականական առանձին արժեք, ուստի բառը կորցնում է նաև այդ արժեքը: Ներքոհիշյալ բառերը հենց նշված հանգամանքի պատճառով էլ կորցրել են գրաբարում ունեցած քերականական տարարժեքությունը և արդի հայերենի բառապաշար են մուտք գործել քերականական մեկ արժեքով: Ասվածը ցույց տանք աղյուսակի ձևով, որն ավելի ակնհայտ կդարձնի խոսքիմասային տարարժեքությունից մեմարժեքության անցումը:

|         | ԳՐԱԲԱՐ                                                                            | ԱՐԴԻ ՀԱՅԵՐԵՆ                                                                                                        |
|---------|-----------------------------------------------------------------------------------|---------------------------------------------------------------------------------------------------------------------|
| ոճիր    | գոյ.-սպանություն,<br>չարագործություն<br>ած. չար, անօրեն, դաժան<br>ՆՅԲ 515, ԳԲ 337 | գոյ – ծանր հանցանք, փխբ<br>մասսայական կոտորած, սպանդ<br>ԱՅԲԲ 22                                                     |
| աղաջուր | գոյ. -աղի ջուր<br>ած- ժանտ, անզգամ<br>ՆՅԲ 34, ԳԲ 28                               | գոյ. – որոշակի աստիճանի<br>աղային լուծույթով<br>պատրաստված ջուր՝ թթու դնելու,<br>մթերքներ պահելու համար:<br>ԱՅԲԲ 22 |

|            |                                                                                                             |                                                                                                                                   |
|------------|-------------------------------------------------------------------------------------------------------------|-----------------------------------------------------------------------------------------------------------------------------------|
| շամանդալ   | գոյ. - մեզ, մշուշ, մթագնություն<br>ած. - նսեմացած, մթագնած<br>ՆՅԲ 463, ԳԲ 306                               | գոյ. - մեզ, մառախուղ, արևի<br>ճառագայթների շերտի մեջ<br>երևացող փոշեհատիկներ<br>ԱՅԲԲ 1096                                         |
| մակարդակ   | գոյ. - մակերևույթ<br>ած. - հարթ, կոկիկ ՆՅԲ 193,<br>ԳԲ 137                                                   | գոյ. - բարձրություն կազմելու<br>չափը, պայմանական<br>հարթություն, հատկագիծ, փխբ.<br>որևէ բանի զարգացման որակի<br>աստիճանը ԱՅԲԲ 953 |
| համբույր   | գոյ. - շուրթերի հպվելը մեկին<br>կամ մի բանի, պաչ, սեր,<br>միություն<br>ած. - հաշտ, միաբան ՆՅԲ 27,<br>ԳԲ 27  | գոյ. - շուրթերով մեկին կամ մի<br>բանի հպվելը<br>ԱՅԲԲ 807                                                                          |
| խիղճ       | գոյ. - պատասխանատվություն<br>սեփական արարքների<br>հանդեպ, խղճմտանք ած. -<br>արտավոր, չար<br>ՆՅԲ 944, ԳԲ 569 | գոյ. - իր արարքների ներքին<br>գնահատում, գութ, կարեկցանք,<br>կրոնական համոզմունք,<br>դավանանք<br>ԱՅԲԲ 579                         |
| մրցանակ    | գոյ. - հաղթողին տրվող պարգև<br>ած. - հեռավոր ՆՅԲ 473, ԳԲ<br>279                                             | գոյ. - մրցության մեջ հաղթողին<br>տրվող պարգև<br>ԱՅԲԲ 1036                                                                         |
| բացատ      | գոյ. - դատարկ, ազատ տեղ,<br>անջրպետ<br>ած. - հեռավոր ՆՅԲ 473, ԳԲ<br>279                                     | գոյ. - բաց տեղ, արանք, անտառի<br>մեջ ազատ տարածություն, բաց<br>տեղ քաղաքի շրջակայքում<br>ԱՅԲԲ 182                                 |
| արևելակողմ | գոյ. - արևելյան կողմ<br>ած. - արևելյան կողմում<br>գտնվող<br>ՆՅԲ 3539, ԳԲ 209                                | գոյ. - արևելյան կողմ<br>ԱՅԲԲ 131                                                                                                  |
| ծակատամարտ | գոյ. - պատերազմ, կռիվ<br>ած. - ծակատամարտող,<br>պատերազմող,<br>պատերազմական ՆՅԲ 166, ԳԲ<br>119              | գոյ. - ռազմական գործողություն,<br>կռիվ<br>փոխ - մենամարտ, մաքառում,<br>դժվարին գործի հաղթահարման<br>ճիգ ԱՅԲԲ 933                  |
| կառարշավ   | գոյ. - կառքով արշավելը,<br>կառքերով մրցարշավ<br>ած. - կառքով արշավող<br>ՆՅԲ 1057, ԳԲ 634                    | գոյ. - կառքով արշավելը<br>ԱՅԲԲ 696                                                                                                |
| մահճակալ   | գոյ. - մահիճ<br>ած. - անկողնում ընկած<br>(հիվանդ)<br>ՆՅԲ 200, ԳԲ 140                                        | գոյ. - քնելու տնային կահույքի<br>առարկա, որի վրա զգույն են<br>անկողին<br>ԱՅԲԲ 959                                                 |
| արժան      | գոյ. - իրավունք, օրենք<br>ած. - արժանավոր, արժանի<br>ՆՅԲ 554, ԳԲ 210                                        | ած. - արժանի, վայել, պատշաճ<br>ԱՅԲԲ 131                                                                                           |
| հիմ        | գոյ. - նախնի<br>ած. - վաղեմի, հիմնավորք,<br>մաշված<br>ՆՅԲ 98, ԳԲ 71                                         | ած. - վաղեմի, հնավանդ, նախկին<br>թարմությունը կորցրած,<br>հմտացած, փորձված<br>ԱՅԲԲ 872                                            |

|          |                                                                                                  |                                                                                                                                                     |
|----------|--------------------------------------------------------------------------------------------------|-----------------------------------------------------------------------------------------------------------------------------------------------------|
| եական    | գոյ.- աստված<br>ած.- կարևոր, իսկական<br>ՆՅԲ 759, ԳԲ 455                                          | ած.- հիմնական, բուն էությունը<br>կազմող. գլխավոր, նշանակալից<br>ԱՅԲԲ 387                                                                            |
| վերջավոր | գոյ.- ծայր<br>ած.- զարդարուն ծայրեր<br>ունեցող<br>ՆՅԲ 816, ԳԲ 522                                | ած.- վերջ ունեցող,<br>վերջավորություններով կազմված<br>ԱՅԲԲ 1385                                                                                     |
| կիրթ     | գոյ.- մարզանք, հրահանգ,<br>կրթություն<br>ած.- սովորած, վարժված,<br>մարզված<br>ՆՅԲ 1100, ԳԲ 659   | ած.- կրթված, դաստիարակված,<br>բարեկիրթ<br>ԱՅԲԲ 736                                                                                                  |
| մոայլ    | գոյ.- մշուշ, խավար, մեզ<br>ած.- աղոտ, մթին, միգամած<br>ՆՅԲ 301, ԳԲ 104                           | ած.- միգապատ, մութ, խավար,<br>գորշ, անհրապույր, փխբ. ծանր,<br>անհեռանկար, վշտով համակված,<br>թախիծ արտահայտող, խոժոռ,<br>խիստ, չարագուշակ ԱՅԲԲ 1029 |
| նսեմ     | գոյ.- աղջամուղջ, խավար<br>ած.- աղոտ, մթին                                                        | ած.- թույլ, աղոտ, փխբ. տկար,<br>անզոր, չնչին, ստորացած<br>ԱՅԲԲ 1025                                                                                 |
| ծովեգրյա | գոյ.- ծովեգրյա տեղ<br>ած.- ծովեգերթում գտնվող,<br>ծովափնյա<br>ՆՅԲ 1026, ԳԲ 616                   | ած.- ծովեգերթին գտնվող,<br>ծովեգերթին հատուկ, ծովեգերթ<br>կազմող<br>ԱՅԲԲ 659                                                                        |
| անջրդի   | գոյ.- անջրդի վայր<br>ած.- անջուր<br>ՆՅԲ 232, ԳԲ 139                                              | ած.- անջուր, չջրվող<br>ԱՅԲԲ 78                                                                                                                      |
| գոռոզ    | գոյ.- բռնավոր, իշխան,<br>սատանա, թագավոր<br>ած.- բուռն, խրոխտ,<br>բռնավորական<br>ՆՅԲ 572, ԳԲ 337 | ած.- ինքնահավան, մեծամիտ<br>ԱՅԲԲ 253                                                                                                                |

Ինչպես տեսնում ենք, իմաստաբանական գործընթացները խթան են հանդիսացել շատ բառիմաստների մթազնման համար: Բառապաշարի կատարելագործումը ենթադրում է ոչ այնքան նոր բառերի ու իմաստների մուտքը լեզվի բառային կազմի կամ իմաստաբանական համակարգի մեջ, որքան լեզվում արդեն գոյություն ունեցող բառերի զանազան կարգերի փոփոխությունները, որոնք ուղղված են լեզվի համակարգայնության և միօրինակության ծավալմանը, բառագործածությունների և բառիմաստների ճշգրտմանը, բառակազմական տիպերի ու կաղապարների միասնականացմանը:

Գրաբարում կրկնասեռ բայերն ունեն լայն իմաստային դաշտ, որն էլ ապահովում է անցողիկության և անանցողիկության համատեղումը նույն բառությամբ: Կրկնասեռ բայերի մի խումբ պատմական զարգացման ընթացքում կորցնում է ներգործական կամ չեզոք սեռի հատկանիշներ ունեցող

բայինաստները, ուրեմն և կրկնասեռությունը, ինչի հետևանքով ժամանակակից հայերենի բառապաշար մուտք է գործում միայն մեկ չեզոք կամ ներգործական սեռի նշանակությամբ:

|             | ԳՐԱԲԱՐ                                                                                                                             | ԱՐԴԻ ՅԱՅԵՐԵՆ                                                                                     |
|-------------|------------------------------------------------------------------------------------------------------------------------------------|--------------------------------------------------------------------------------------------------|
| մաղթել      | նբ. չբ. – 1. աղոթքով խոսել<br>2. միջնորդել<br>3. աղաչել<br>(ԵՅԲ 199, ԳԲ 141)                                                       | չբ. -մեկին բարի ցանկություն հայտնել, բարեմաղթել<br>ԱՅԲԲ 960                                      |
| տգիտանալ    | նբ. չբ. -1. տգետ դառնալ, անգիտանալ<br>2. չգիտենալու տալ, անտեսել<br>(ԵՅԲ 861, ԳԲ 552)                                              | չբ. - տգետ դառնալ, իմացածը մոռանալ<br>ԱՅԲԲ 960                                                   |
| գարչել      | նբ. չբ. -1. զգվել<br>2. գարչելի համարել<br>(ԵՅԲ 532, ԳԲ 310)                                                                       | չբ. - զգվել, ստոր, անվայել համարելով հրաժարվել<br>ԱՅԲԲ 223                                       |
| թևակոխել    | նբ. չբ. - թևերին ուժ տալ թռչելու համար, ջանալ ձգտել մի բանի, մտածել, դեպի մի կողմ հակվել, իր կողմը գրավել, համոզել ԵՅԲ 808, ԳԲ 486 | չբ. - անցնել, մտնել, հասնել մի վիճակի ուտք դնել գործունեություն ծավալել<br>ԱՅԲԲ 433              |
| բարեգործել  | նբ. չբ. -բարի գործ կատարել, երջանկանալ, բախտավորվել, խնամել, ներգործել (ԵՅԲ 446, ԳԲ 263)                                           | չբ. - բարի գործ կատարել<br>ԱՅԲԲ 174                                                              |
| խորհրդակցել | նբ. չբ. - իբրև խոսակից խորհուրդ տալ, թելադրել, խրատել մի բան, հորդորել, գրգռել<br>(ԵՅԲ 978, ԳԲ 587)                                | չբ. - միասին քննարկել որևէ բան, խորհուրդ անել, մեկի կարծիքը, խորհուրդն հարցնել<br>ԱՅԲԲ 605       |
| կրթել       | նբ. չբ. - մարզել, վարժեցնել, սովորեցնել, հոժարել, ջանալ, մի բանի ձգտել, հետամուտ լինել<br>ԵՅԲ 1134, ԳԲ 679                         | նբ. - որոշ ուղղությամբ դաստիարակել, ուսուցանել, բարեկրթություն սովորեցնել<br>ԱՅԲԲ 774            |
| դիտել       | նբ. չբ. - 1. ուշի ուշով զննել<br>2. ուշադրություն դարձնել<br>3. լրտեսել ԵՅԲ 627, ԳԲ 371                                            | նբ. - նայել, զննել, կարծիք հայտնել, սպասել, համարել, դիտարկել, նկատի ունենալ, իմանալ<br>ԱՅԲԲ 302 |
| դրծել       | նբ. չբ. - նենգությամբ մահ պատճառել, վնասել, ուխտազանց լինել, դավաճանել ԵՅԲ 621, ԳԲ 383                                             | նբ. - պայծառ խախտել, դավաճանել, ժխտել, ուրանալ<br>ԱՅԲԲ 312                                       |
| տարփոխել    | նբ. չբ. - բարձր ծայրով մի բան հռչակել, լուր տարածել, ավետել<br>ԵՅԲ 860, ԳԲ 550                                                     | նբ. - ի լուր ամենքի հայտարարել, տարածել, մեծադորոք զովասանքներով հռչակել<br>ԱՅԲԲ 1425            |
| գուժել      | չբ. նբ. - գուլժի ծայն բարձրացնել, ողբալ, ճչալ, վատ լուր հաղորդել<br>ԵՅԲ 579, ԳԲ 340                                                | նբ. - վատ լուր հաղորդել<br>ԱՅԲԲ 266                                                              |
| երիվարել    | նբ. չբ. - երիվար վարել, քշել, ձիավարել, ձի լծված կառք նստել և կառավարել ԵՅԲ 684 ԳԲ 409                                             | նբ. - երիվար քշել, ձիավարել<br>ԱՅԲԲ 344                                                          |

Գրաբարում մեկ բառույթի մեջ 2 քերականական սեռի իմաստներ համատեղող կրկնասեռ բայերից բացի կան սեռային զուգահեռություն ունեցող հարյուրավոր բայեր, որոնք Ե - Ի լծորդների փոփոխությամբ գործածվել են անցողական և անանցողական իմաստներով: Արդի հայերենի բառապաշարում, չնայած Ե - Ի լծորդությունների պատմական միավորմանը, այս բայերի գերակշիռ մեծամասնությունը դարձյալ միասեռ է: Ընդ որում, անցումը միասեռության ընթացել է ինչպես կրկնասեռությունից չեզոք, այնպես էլ կրկնասեռությունից ներգործական սեռ ուղղություններով: Ինչպես խոսքիմասային տարարժեքությունից մենարժեքության, կրկնասեռությունից միասեռության, այս պարագայում էլ անցմանն օժանդակել է նաև բայիմաստի փոփոխությունը, բառի բազմիմաստության շրջանակների նեղացումը:

|             | ԳՐԱԲԱՐ                                                                                                                                                                            | ԱՐԴԻ ՀԱՅԵՐԵՆ                                                                                                                          |
|-------------|-----------------------------------------------------------------------------------------------------------------------------------------------------------------------------------|---------------------------------------------------------------------------------------------------------------------------------------|
| ապավինել    | Նբ - ապավինել տալ<br>չբ - մեկի հովանավորության տակ մտնելը<br>ՆՀԲ 275, ԳԲ 165                                                                                                      | չբ - մեկի հովանավորության տակ մտնել, պատսպարել<br>ԱՀԲԲ 97                                                                             |
| ազազել      | Նբ - չորացնել, ցամաքեցնել<br>չբ - չորանալ, ցամաքել<br>ՆՀԲ 4, ԳԲ 12                                                                                                                | չբ - չորանալ, ցամաքել, նիհարել<br>ԱՀԲԲ 4                                                                                              |
| բանդագուշել | Նբ - բանդագուշեցնել<br>չբ - ցնորվել, հիմարանալ, պատրանքի մեջ ընկնել, տատանսել, մոլորվել<br>ՆՀԲ 436, ԳԲ 257                                                                        | չբ - զառանցել, ցնորական բաներ խոսել<br>ԱՀԲԲ 168                                                                                       |
| սողոսկել    | Նբ - սպրդել տալ<br>չբ - սողոսկելով ներս մտնել<br>ՆՀԲ 727, ԳԲ 464                                                                                                                  | չբ - սղալով ներս սահել, թափանցել, փխբ. ծգվել, փխբ. ներթափանցել փխբ. խցկվել<br>ԱՀԲԲ 1317                                               |
| ճգնել       | Նբ. - նեղել, ճնշել, չարչարել<br>չբ - ճիգ, ջանք թափել, ջանալ, ճնշվել, նեղվել, տառապել, տագնապել, մրցել, նահատակվել, ճգնավորի կյանք վարել, զրկանքներ հանձն առնել<br>ՆՀԲ 177, ԳԲ 126 | չբ - ուժերի լարումով աշխատել, ճիգ, ջանք թափել, ճգնավորի կյանք վարել, փխբ. լարված աշխատել, փխբ. ապարդյուն ջանքեր գործադրել<br>ԱՀԲԲ 940 |
| ճեպել       | Նբ. - շտապեցնել, ստիպել, հարկադրել, նեղը զցել<br>չբ - աճապարել, շտապել, դիմել, ընթանալ, փույթ ունենալ, հոգ տանել, ճիգ գործադրել<br>ՆՀԲ 179, ԳԲ 127                                | չբ շտապել, փութալ, աճապարել<br>ԱՀԲԲ 941                                                                                               |
| հանդերձել   | Նբ պատրաստել, սարքել, կազմել, հարդարել, շտկել, ճանապարհի անհրաժեշտ պիտույքները հոգալ<br>չբ - կազմ ու պատրաստ լինել, մի                                                            | Նբ - պատրաստել, կահավորել<br>ԱՀԲԲ 818                                                                                                 |

|           |                                                                                                                                                             |                                                                                   |
|-----------|-------------------------------------------------------------------------------------------------------------------------------------------------------------|-----------------------------------------------------------------------------------|
|           | բանի համար պատրաստ<br>լինել պատրաստություն տեսնել<br>41,36                                                                                                  |                                                                                   |
| հարակցել  | նր - կցել, կապել, միացնել մի բանի<br>հետ, եղածի վրա մի բան<br>ավելացնել, կցել, կապակցել,<br>միավորել, հարմարեցնել իրար<br>չբ - նույն նշ.<br>ԱՅԲ 342, ԳԲ 230 | նր - կցել, հարել, առնչել,<br>կապել, միավորել, զուգորդել,<br>զուգադրել<br>ԱՅԲԸ 841 |
| քաջալերել | նր - սիրտ տալ, խրախուսել,<br>հորդորել, մխիթարել<br>չբ - սիրտ առնել, սրտապնդվել,<br>վստահություն ստանալ, արիանալ<br>ԱՅԲ 983, ԳԲ 623                          | նր - սիրտ տալ, խրախուսել,<br>խրախուսիչ դիրք բռնել<br>ԱՅԲԸ 1554                    |
| հառել     | նր - ձգել, մեկնել, պարզել<br>կարկառել<br>չբ - աչքը, միտքը մի բանի սևեռել,<br>աչքերը հառած նայել, զննել,<br>տնտղել, նկատել                                   | նր - ձգել, մեկնել, երկար նայել<br>ԱՅԲԸ 827                                        |

Կարելի է բերել բազմաթիվ համանման օրինակներ, երբ բառի իմաստային դաշտում կատարված փոփոխությունը հանգեցնում է նաև բառի քերականական արժեքի փոփոխության, տվյալ դեպքում տարարժեքության վերացման:

Քերականական իմաստափոխությունների չափազանց մեծ ընդգրկում ունենալը խոսում է հայերենի քերականական համակարգի զարգացման բնույթի մասին. գրաբարի քերականորեն տարարժեք բառերի խոսքիմասային տարարժեքությունից մենարժեքության, կրկնասեռությունից միասեռության անցումը վկայում է հայերենի քերականական համակարգի կանոնակարգման, միօրինականացման ե համակարգավածության մասին:

#### ՀԱՍՆԱՌՈՏԱԳՐՈՒԹՅՈՒՆՆԵՐ

աժ. - ածական

գոյ. - գոյական

մկ. - մակբայ

մխր. - մախրիք

ԱՅԲ - Նոր բառգիրք հայկազեան լեզուի, Երևան, 1979

ԳԲ - Ռ Ղազարեան, Գրաբարի բառարան, Երևան 2000

ԱՅԲԸ - Էդ Աղայան, Արդի հայերենի բացատրական բառարան, Երևան, 1976